

خزینہ محاکمات

جمعه ایرتسی

نومرو	محرم	سنه	تموز	سنه	صحیفه
۷۱۳	۱۵	۱۳۱۱	۱۷	۱۳۰۹	۱۰۵۲۵

(اشبو غزته بهر هفته جمعه ایرتسی کونلری چیقار . سنه لکی در سعادت ایچون مجیدیه یکر می فروش)
 (حسابیله التمش غروشددر . طشره لر ایچون اون بش غروش پوسته اجرتی ضم اولنور . بهر)
 (نسخه سی ینه مجیدیه یکر می فروش اولمق اوزره یوز پاره یه هر یرده صاتیلور . درج اولنه جق)
 (اعلا ناک هر برندن بر مجیدیه اخذ اولنور . سنه لکنه مشتری اولمق استیانلر عدلیه نظارتی)
 (دائره سنده کائن جریده محاکم اداره سنه مراجعت ایلملیدر)

نظارت جلیله سنندن مذکور مدعی عمومیلکه
 مأذونیت و یرلمشدر .

قسم رسمی

(فی غره محرم سنه ۳۱۱ و فی ۳ تموز)
 (سنه ۳۰۹ تاریخنده بالجمله ولایات استیناف)
 (محکمه سی مدعی عمومیلرینه و مدعی عمومی)
 (بولنیمان محاکم مدعی عمومی معاونلرینه یازیلان)
 (تحریرات عمومییه صورتیدز)

عربکر قضاسی بدایت محکمه سی مدعی
 عمومی معاونی و کیلی پولیس قومیسر لرندن کامل
 افتدینک از میرلی اوغلی کر کور نام شخصک
 خلاف قانون اوله رق طقوز کون مدت موقوف
 قالمسینه سبیت و یردیکی محلی مدعی عمومیلکنندن
 مبعوث اوراق تحقیقه دن اکلاشلمسیله افتدی
 مومی الیهک تحت محاکمه التمسی ضمتنده عدلیه

تجارت بر رئیس ایله ایکی اعضای دائمه و ایکی
اعضای موقته دن مرکب اوله رق بونلرک هر بری
انای مذاکره صاحاب رأی اوله جقلدر .

قسم غیر رسمی

کره سون بدایت محکمه سی تجارت قسمندن
۱۳ تشرین اول سنه ۳۰۴ تاریخ ویکرمی درت
عددی ایله و بریلان اعلامک تمیزینی استندا
ایدن کره سون قضا سنک اقلکوی قریه سنده مقیم
حسن اوسته اوغلی مصطفی و مصطفی اوغلی عثمان
ایله مدعی علیه قضاء مذکورک قومالی محله سنده
مقیم جوهریان مفردیچ اغا تعیین اولنان کونده
دائرة به کلدکرندن باش مدعی عمومیک مأموریت
علیه سنک مطالعه نامه سی الهرق اصول محاکمه
حقوقیه قانوننک ایکوز بکرمی طقوزنجی ماده سی

دعای تجارتیه نک تسهیل و تسریعی ضمننده
تجارت مجلسارنده بوله جق درت اعضای موقته نک
ایکی به حصری حقنده ذیل قانون تجارتک سکرنجی
ماده سنک یرینه قائم اولوق اوزره تعدیلاً قلمه
النوب مرعیت احکامنه بالاستیدان اراده سنیه
حضرت پادشاهی شرفتعلق بیورلدینی باند کره
سامیه اشعار قلنان ماده نظامیه لایحه سنک نسخ
مطبوعه کافیه سی لفاً تسیر قلنمش اولغله بوبابده
لازم کلانلره اجرای تبلیغات مقتضیه به همت
ایلملری .

(ذیل قانون تجارتک سکرنجی ماده سی مقامنه)
(قائم اولوق اوزره تعدیلاً قلمه النان و مرعیت)
(احکامنه بالاستیدان اراده سنیه جناب)
(پادشاهی شرفتعلق بیورلش اولان ماده)
(قانونیه صورتیدر)

یالکز بر مجلسدن عبارت اولان هر بر محکمه

موجبجه تدقیقات تمیزیه اجراسنه ابستدار
قلندی .

اعلام مذکورک خلاصه مالی من بور مفردیچ
اغانک مرقومان عثمان و مصطفی ایله حاجی نیان
مصطفی ذتلرنده یکدیگرینه کفیل اولوق اوزره
امره محرر برقطعه سند موجبجه الاجنی بولنان
طقسان عدد لیرای عثماننک تأمین استیفاسی ضمننده
اقلکوی و بوزنیکه قریه لرنده کائن بش قطعه فندق
باغچه لرینی تحت حجزه الدیرمش اولدیغندن بختله
حجز موضوعک تصدیقه مطلوبنک تحصیلی
کره سون بدایت محکمه سی تجارت قسمنده طلب
ودعوی اتمسی و مدعی علیهمدن حاجی نیان
مصطفی اغانک دعوته اجابت ایتماسی اوزرینه
مرقومک حقنده غیا با اجرای تدقیقاته لدی ابستدار
حاضر بالمجلس عثمان و مصطفی اغالر مبرز سنندک
حاوی اولدینی اقچه دینلری ایسه ده سند مذکور
کران اغانمنه ویرلش اولدینی جهتله مدعی
مرقومک کندولرینه حصم اوله میه جغنی مدافعه
درمیان ایدرک مبلغ مذکور اقرار ایتیش
اولدقلرینه مبنی وقوع بولان اقرارلری موجبجه
مبلغ مذکورک تحصیلی ضمننده محجوز اولان
املاکک فروخته حکمدن و مستدعی مصطفی

وعثمان اغالرک اشجو حکم علیهنده کی باشلوجه
اعتراضاتی املاک اوزرینه وضع اولنان حجزک
تصدیق محکمه تجارتک وظیفه سی خارجنده بولنمش
ایکن کره سون تجارت محکمه سنجه حجزک تصدیق
قلنمسی مغایر قانون اولدیغندن بختله اعلام
مذکورک نقضی استدعاسندن و مدعی علیه
نتیجه جوابی حکم ابتدائی موافق اصول و قانون
اولدینی بیانیله تصدیق طلبندن و انفالینان مطالعه
نامه مددجانی دخی سند منازع فیه امره محرر
بولنوق حسیله دعوی واقعنه نک رؤیتی محکمه
تجارتیه عائد ایسه ده اموال غیر منقوله حقنده وضع
اولنان حجزک تصدیق و یا فکی محکمه تجارتک
وظیفه سی خارجنده اولدینه مبنی وظیفه حقنده
درمیان اولنان اعتراضک بوجهتله موافق قانون
اولدینی بیانندن عبارت بولنمشدر .

ایجابی لدی المذاکره اعلام مذکورک نتیجه
مقادی مبلغ مدعا بیک مدعی علیهمانک وقوع بولان
اقرارلرینه مبنی کندولرندن تحصیلنه حکمدن
عبارت اوله رق هر نقدر دعوی واقعنه نک امره محرر
سنده مستند اولسیله مرجع فصل ورؤیتی محکمه
تجارت ایسه ده اموال غیر منقولیه وضع اولنان
حجزک تصدیق یا خود فکی خصوصلری محکمه

تجاروتك وظيفه سي خارجنده اولمسنه نظراً ادا
اولان مزبور حيز جهتك عائد اولديني حقوق
محكمه سنه حواله سي لازم كلورايكن بوراسنه دقت
اولميه روق حيزك تصديقه دخي قرار ويرلسي
وظيفه خارجنده وقانونه مغاير اولوب مستدعيلرك
بوجهت حقنده كي اعتراضيه معاون مومي اليهك
مطالعهي شايان قبول كورنمش اولديغندن اصول
محكمة حقوقيه قانونك ايكوز اوتوز ايكنجي
ماده سي موجبجه اعلام مذ كورك تقضيه قانون
مزبورك ايكوز قرق درديجي ماده سي حكمه توفيقاً
كيفيتك بروجه محرر يكيدين بالرؤيه اعلامه ربطى
ضمننده محكمه مرقومه به اعاده سنه وزيرده مفر داتى
مرقم درتيوز اوتوز غروش مصارف تميزيه نك
ايلروده حقسن چيجه جق طرفه رجوع ايتك
اوزره اول امرده مستدعيلردن التمسنه ١٠ ايلول
سنه ٣٠٧ تاريخنده متفقاً قرار ويرلدى .

خداوندگار استيناف محكمه سندن ٢٣ مائس
سنه ٣٠٣ تاريخي واوان التى عددى ايله ويريلان

اعلامك تميزيني استمداد ايدن كوتاهيه سنجاغنه
مضاف اطرافشهر ناحيه سنه مربوط سقا قريه سنده
موطن لوفجه مهاجر لرندن عثمان وموسى اوغلى
ابراهيمدن دعوته اجابت ايدن يالكر عثمانك وكيلى
حسن تحسين افدى ايله مدعى عليه كوتاهيه
قصبه سنك بلوچك محله سنده ساكن كلزاده احمد
افدى وشهره كوش محله سنده ساكنه متوفى
پاياس اوغلى اغوب اغا ايتامنك وصيسى و مريم
قادين وكيلى يواناكي افدينك ايضاحات شفاهيه لريله
باش مدعى عمومى معاونى سعادتلو يورغاكي
افدينك مطالعه سي استماع قلندى .

اعلام مذ كورك خلاصه مالى مومي اليهما
احمد افدى ايله ورثه مرقومه نك عهده تصرفلر نده
اولوب سقا چفتلكي ديمكله معروف اولان
چفتلكك حدودى داخلنده اولان اراضيدن
اون دونم مقدارينه مرقومان عثمان و ابراهيم ايله
رفقاسى طرفلرندن وقوعبولان مداخله نك موقتاً
منعنه دائر كوتاهيه بدايت محكمه سندن صادر اولان
اعلامك عندالاستيناف تصديقه قرار ويرليكنندن
ومستدعى ابراهيم ايله عثمان وكيلى حسن تحسين
افدينك اشبو قرار عليهنده كي اعتراضاتك
خلاصه سي منازع فيه اولان اراضينك خيلى وقدينبرو

زراعت اولميه روق خالى قالمسى جهتله حكومت محليه
جانبندن كندولرينه ترك ايدلديكي ككي چفتلك
مذ كور داخلنده دخي اولمدينى عندالحا كه درميان
ايدلديكي حاليده بوراسنك نظردقته التامسى مغاير
قانون اولديغندن بختله اعلام مذ كورك تقضى
ومدعى عليهما وكيلى يواناكي افدينك نتيجه
جوابى دخي اعتراضات واقعه نك رديله موافق
قانون اولان اعلام مذ كورك تصديق طلبندن
ومعاون مومي اليهك مطالعه سي دخي سقا قريه سي
اهالي سنك قوم غير محصور اولدقلى بدايت
اعلامنده مندرج بولنمش ايسه بوجهتك تحقيق
وثبوتنه دائر بركونه صراحت اولمدينى كي مريم
قادينك صفت وصياتك حجت شرعيه استنادى
جهتكك تصريح قلنامسى دخي مغاير قانون ايدوكى
بيانندن عبارت بولنمشدر .

اجباب كيفيت مذا كره اولندقدده اعلام
مذ كورمألندن اكلاشلايدنى اوزره دعواى واقعه
منافى عموم قريه اهالي سنه عائد اولان مرعى كي
اهالى قريه نامنه اقامه ايديله جيك دعاويدن
اوليوب قريه مذ كوره اهالي سندن بعض كسان ايله
چفتلك متصرفلى بيننده متحدث و شخصلرينه
متعلق تصرف دعواسندن عبارت اولديغه كوره

اراضى مذ كوره به مداخله ايدنلر عليهنده اقامه
اولنه جق دعوانك آيرو آيرو عرضحال اعطاسيله
اقامه ايتديرلسي و اراضى منازع فيهايه مداخله سي
ادعا اولنان اشخاصك بشقه بشقه جليله
محاكمه لرى بالا جرا يكديكرينه قار يشد يرلمقسنين
هر برى حقنده آروجه حكم ويرلسي لازم كلور
ايكن دعواى مذ كوره نك عموم قريه اهالي سي
عليهنه شامل طوتيله روق اهالى نامنه اجراى محاكمه
و حكم ايدلسي يولسز اولديني حاليده استينافاً
بوجهته عطف نظر دقت اولنمقسنين حكم
ابتدائيتك تصديق قلنمسي ومزبوره مريم قادين
وصياتى حسيله اقامه دعوى ايتديكي حاليده صفت
وصياتك حجت شرعيه مستند اولوب اولمديغتك
اعلامده تصريح قلنامسى وعقار دعوالر نده
اجراى موقت حكمى قانوناً غير جائزايكن بوراسنه
دخي دقت اولنمقسنين موقت اجرايه قرار ويرلسي
اصول محاكمه حقوقيه قانونك يوز اون ايكنجي
ماده سي حكمه وقانونه مغاير بولنمش ومعاون
مومي اليهك مطالعه سي شايان قبول كورنمش
اولديغندن اصول محاكمه حقوقيه قانونك ايكوز
اوتوز ايكنجي و ايكوز قرق برنجى ماده لرى
موجبجه اعلام مذ كورك تقضيه وزيرده مفر داتى
مرقم اوچيوز التمش طقوز غروش مصارف

محاكمه نك ايلروده حقسز چيقه جق طرفه رجوع
ايتك اوزره اول امرده مستدعيلردن انمسنه
۱۰ نيسان سنه ۳۰۵ تاريخنده متفقاً قرار ويريلهرك
طرفين وكيللرينه تفهيم قلندي .

زاغفرانبولي بدايت محكمه سندن ۶ نيسان
سنه ۳۰۷ تاريخي واون ايكي عهدي ايله صادر
اولان اعلامك تميزيني استدا ايدن زاغفرانبولي
قصبه نك مسلمان پولاط محله سنده مقيم سمير
اوغلي احمد اغا ايله قصبه مذكوره بلديه مجلس
رئيسي گلديكرندن باش مدعي عمومليك مأموريت
عليه نك مطالعه نامه سي التقدن صكره اصول
محاكمه حقوقه قانونك ايكوز يكرمي طقوزنجي
ماده سي موجبجه تدقيقات تميزيه اجرا سنده
ابتدار قلندي .

اعلام مذكورك خلاصه مآلي من بور احمد

اغانك بوستانبوكي طور اغندن اولق شرطيله
معلوم المقدار كره ميددن اعمال و تسليميني با مقاوله نامه
تمهد ايلديكي ايكوز يتمش سكر بيش بوز
عدديني تسليم ايدمه ميكنندن بر موجب مقاوله
تضمينات اوله رق مذكور كره ميدلرك بهر بيكي
ايچون اون بشر غروشدن فرق فيئانك بالحساب
بالغ اولديني درت بيش بوز يتمش يدي بحق غروشك
تحصيلي دائرة مذكوره وكيلى جانبندن طلب
ودعوى ومذكور مقاوله ابراز واعطا ايدلسنه
قارشو مدعي عليه من بور احمد اغا دخي مقاوله
مذكوره ني بعد التصديق انحق مذكور طور اقدن
كره ميد اعمالني بلديه رئيس سابق منع ايتمش
اولديغندن كندوسيده بشقه محلدن قدرتي تعلق
ايتديكي مرتبه كره ميد اعماليله اعطا ايتكمده
اولديقي مدافعة تذكاريله بويابده بلديه طرفندن
كندوسنه كوندريلان بر قطعه تذكره ني ارايه
وابراز ايلمسي اوزرينه جريان ايدن محاكمات
وتدقيقات نتيجه سنده مبرز مقاوله نامه ده كره ميدلرك
بوستانبوكي طور اغندن اعمال اولمسي محرر اولوب
هر نقدر كره ميدلرك بيكي اون بش غروش فرق
فيئاله صاتمعه اولديني انمكجي و تيورجي وقصاب
اصنافي كتيخدارلرينك علم و خبرندن اكلا شلمش
ايسه ده بهر بيكي اونر غروش فرق فيئاله صاتمعه

اولديني متواتر بولنديغندن اون بش غروش فرق
فيئات طلبنك رديله اصول محاكمه حقوقه قانونك
بوز يدنجي و بوز اوتوزنجي ماده لري موجبجه
تسليم اولميان سالف المقدار كره ميدك بهر بيكي
اونر غروشدن فرق فيئاتي اولان ايكي بيش بوز
سكسان بش غروشك ضرر وزياني اوله رق
بر موجب تمهد من بور احمد اغادن مع اجرائي
موقت تحصيليله بلديه صندوقنه تسليمينه حكمدن
ومستدعي احمد اغانك اشبو حكم عليهنده لايحه سنده
محرر اعتراضاتك باشلوجه سي اثناي محاكمه ده
مدعي عمومليك حاضر بولنديرلمش اولديني حاليه
مطالعه سي استفسار اولمامسي قانونه مغاير اولديغندن
بجمله اعلامك تقضي استدعاسندن وميز عليه دائرة
بلديه وكيلىك لايحه سنده محرر نتيجه جوابي
اعتراضات مسروده واهي اولديني بيانيله موافق
اصول وقانون اولان اعلامك تصديقي طلبندن
و مطالعه نامه مآلي دخي دعواي واقعه ده مدعي
عمومي حاضر بولنديرلمش ايسه ده مطالعه سي استماع
قلنامش و ضرر وزيانك مقداري بالتحقيق رسماً
اثبات ايتديرلك لازم كلور ايكن بلا تحقيق حكم
اولنمش اولديغه مبنی اعتراضات واقعه نك موافق
قانون اولديني بيانندن عبارت بولنمشدر .

ايجابي مذاكره اولنديقه اعلام مذكورك
مآلندن مفهوم اولديني اوزره دعواي واقعه نك
اموال بلديه يه تعلق حسييله اثناي محاكمه ده مدعي
عمومي حاضر بولنديرلمش اولمسنه كوره تشكيلات
محكم قانونك يتمش برنجي ماده سي موجبجه
استفسار مطالعه سيله بونك اعلامه درجي اصولاً
مقتضي اولديني حاليه مأمور مومي اليهك اولبايدهكي
افكار مطالعه سنده مراجعت ايدلمديكي كي دائرة
بلديه جانبندن ادعا اولان ضرر وزيانك اصولاً
دائرة مذكوره وكيلى اثبات ايتديرلمسي لازم
كلور ايكن محكمه جه بوجهت دخي درجه ثبوت
ايصال ايدلمكسز ين مجهول اوزرينه حكم اولمسي
يولسز ومغاير قانون بولنمش ومستدعيتك اعتراضيله
انفاليان مطالعه نامه مآلي دخي بومر كزده
اوله رق شايان قبول كورنمش اولديغندن اصول
محاكمه حقوقه قانونك ايكوز اوتوز ايكنجي
ماده سي موجبجه اعلام مذكورك تقضيله قانون
من بورك ايكوز قرق دردنجي ماده سي حكمه
توفيقاً كيفيتك يكيدن بالرؤيه اعلامه ربطي ضمتنده
محكمه مذكوره يه اعاده سنده وزيرده مفرداتي
مراقم درنيوز طقوز بحق غروش مصارف تميزيه نك
ايلروده حقسز چيقه جق طرفه رجوع ايتك
اوزره اول امرده مستدعي من بور احمد اغادن

التمسنة ۹ مایس سنه ۳۰۸ تاریخنده متفقاً
قرار ویرلدی .

ارکوب بدایت محکمه سندن ۱۸ مارت
سنه ۳۰۸ تاریخی و برعددی ایله ویریلان اعلامک
تمیزینی ارکوب قضاسنه تابع محسون قریه سی
اهالیسندن بطل اوغلی حاجی مصطفی طرفندن
استدعا ایلدیکی حالدده یوم معینده دائره یکلدیکندن
مدعی علیه قریه مذکورده مقیم کچلی اوغلی
مصطفی وکیلی محمد افندینک ایضاحات شفاهی سی
استماع قلندقدن صکره تدقیقات تمیزیه اجراسنه
ابتدای اولندی .

اعلام مذکورک خلاصه مائی مرقوم کچلی
اوغلی مصطفی ایکی قطعه سند موجبجه مزبور
بطل اوغلی ذمتنده مطلوبی بولسان ایکی بیک
درتیوز یتیم سکر غروشه بادفتر الاجفی اولان
درتیوز سکسان غروشک تحصیلنی طلب ودعوی
ایله سندات مذکورده یی ابراز واعطا ایتسی

وعندالحاکمه مدعی علیه مصطفی دخی سندات
مذکورده کی مهرینی اقرار ایله بولردن بریسنگ
ناطق اولدینی بیک درتیوز طقسان بش غروش
حسن افندی نام کیمسه یه عائد اولوب کندی نامنه
مواضعه ویرلدیکنی و دیگرینک حاوی اولدینی
بیک بشیوز غروشه مقابل قریه لرده واقع برقطعه
باغچه سی فروخت ایلدیکنی و بادفتر ادعا اولنان
درتیوز سکسان غروشدن دخی کوردکری محاسبه
موجبجه سکسان ایکی غروش دینی قالدینی مدافعه
درمیان ایتسی اوزرینه اولیابده محکمه مذکورده
اجرا قلنان محاکمه وتدقیقات نتیجه سنده مستند
ادعا اولان سندات مذکورده دن بیک درتیوز
طقسان بش غروشی حاوی اولان سندک موئی ایله
حسن افندی یه عائد اولوب مرقوم مصطفی طرفندن
مواضعه ویرلدیکی بالا قاهه استماع قلنان شهودک
شهادتیه تبیین ایتسنه مبنی مدعی مرقومک ذکر
اولنان سند حقنده کی ادعاسنگ ردینه و دیگر
سندله بادفتر ادعا ایلدیکی مبالغ حقنده کی دفع
دعواسنه دائر مرقوم بطل اوغلی مصطفی جانبندن
اقامه اولنان شهودک قانون دائره سنده ادای شهادت
ایتمدکری جهتله شهادتلی شایان قبول کوریله .
مدیکی کبی مزبور مصطفی بویابده خصمنی طالب
تحلیف دخی اولدیغنه بناء مجله نک بیک سکر یوز

اون بدینی ماده سی موجبجه مذکور بیک بشیوز
غروشه بادفتر طلب ایدیلان درتیوز سکسان
غروشک مع گذشته مرقوم مصطفادن تحصیلنه قرار
ویرلدیکندن و مستدعی مرقوم بطل اوغلی
مصطفانک اشبور اعلیه نده کی باشلوجه اعتراضاتی
دفع دعواسنی اثبات ضمتنده اقامه ایلدیکی شاهدلرک
شهادتی قانون ودعویه مطابق بولندینی و بشقه
شاهد دخی اقامه سیله اثبات مدعا ایده جکنی
درمیان ایلدیکی حالدده محکمه جه نظر دفته النامسی
مخالف قانون اولدیغندن بختله اعلام مذکورک
نقضی استداسندن و مدعی علیه وکیلی محمد افندینک
نتیجه جوابی دخی خصمنک دفع دعواسی اصولاً
ثابت اولدیغنه مبنی اعتراض مذکورک ردیه
موافق قانون اولان اعلامک تصدیق طلبندن
عبارت بولنمشدر .

ایجابی لدی المذاکره اعلام مذکور مطالعه سندن
منفهم اولدینی اوزره بدایه مدعی علیه بولنان
مرقوم بطل مصطفی مبلغ مدعا بهادن بیک بشیوز
غروشه مقابل مدعی یه برقطعه باغچه ویرلدیکنی
عندالحاکمه مقام مدافعه ده درمیان ایتیمش اولسنه
کوره اول امرده مرقومک اشبو دفع دعواسی
ایجابی مدعیدن استیضاح کیفیت اولنهرق ویره جکی
جوابه کوره دفع مذکورک تدقیق مقتضیاتنه
کیریشلمسی لازم کلورکن محکمه جه بوداثرده
اجرای معامله اولنامسی و مذکور باغچه نک دینی
مقابلنده خصمنه تسلیمی حقنده کی مدعی علیه
مرقومک دفع دعواسنی اثبات ضمتنده اقامه
ایلدیکی شهودک شایان قبول کوریله سی اوزرینه
شهود مرقومه دن بشقه شاهدلری اولوب اولدینی
کندوسندن سؤال اولنهرق بشقه شاهدی اولدینی
حالدده اقامه واستماع ایدلمسی لازم کلورایکن بوجهته
دخی دقت اولنمقسنین خصمنی طالب تحلیف
اولدینی سر رشته سیله برمنوال محرر حکم وقرار
ویرلمسی اصول وقانونه مقایر و مستدعی مرقومک
اعتراضی موافق نفس الامر کورلدیکنه بناء
اصول محاکمه حقوقیه قانون موقتک ایکویز اوتوز
ایکنجی و ایکویز قرق برنجی ماده لری موجبجه
اعلام مذکورک تقضیه قانون مزبورک ایکویز
قرق در دنجی ماده سی حکمنه توفیقاً کیفیت یکیدن
بالرؤیه اعلامه ربطی ضمتنده محکمه مذکورده
اعاده سنه وزیرده مفرداتی مرقم اوچیوز طقسان
طقوز یحق غروش مصارف محاکمه نک ایلروده
حقسن چیه جق طرقة رجوع ایتک اوزره اول
امرده مستدعیدن التمسنه ۱۷ کانون اول سنه ۳۰۸

تاریخ‌نمده متفقاً قرار ویریه‌رك تفهیم قلندی .

محكمة استیناف حقوق قسمند ۱۶ ایلول
سنه ۳۰۸ تاریخی و یوز الی بش عددی ایله
صادر اولان اعلامك تمیزی استعدا ایدن مالیه
خزینة جلیله‌سی دعوی وکیلی رحی افندی ایله
میز علیه باعجه قیوسنده جلال بك خاتمه ساکن
تجاردن اونچی زاده عطوفتو عیق افندی
حضرتلرینك وکیلی عبدالرحمن عادل افندی
یوم معینده دائره به کلر یله ایضاحات شفاهی‌لری
و باش مدعی عمومی معاونلرندن سعادتلو یورغاکی
افدینك مطالعه‌سی استماع قلندقدن صکره تدقیقات
تمیزی به اجرا سنه ابتدار اولندی .

اعلام مذکورك خلاصه مالی مشارالیه
عیق افدینك سلانیک ولایتی داخلده واقع
معلوم اقطاع اورمانلردن اون سنه مدت و شرائط
معلوم ایله کراسته قطع و کور حرقی بمقاوله‌نامه
مالیه خزینة جلیله‌سی جانبندن التزام واشترا
ایلدیکی حالده خزینة مشارالیه جانبندن مذکور

اورمانلرك مدت معینه ظرفنده کندوسنه تسلیم
اولمديغندن بحثله مذکور اورمانلرك تسلیمینی
طلب ایتمسنه قارشو خزینة مشارالیه وکیلی
جانبندن مذکور اورمانلرك غبن فاحشه‌ای حاله
ایلدیش اولدینی بیانیله بویابده کی عقد مقاوله‌نك
خزینة جه فسخ و اقاله ایلدیکی یولنده وقوع
بولان مدافعانك ردیه بر موجب مقاوله مذکور
اورمانلرك مشارالیه عیق افندی به تسلیمینه
خزینة جلیله‌نك مجبوریته دائر در سعادت بدایت
محکمه‌سی برنجی حقوق دائره‌سندن صادر اولان
اعلام علیه‌نده خزینة مشارالیه وکیلی طرفندن
استیناف دعوی اولمش ایسه‌ده مشارالیه عیق
افندی ایله خزینة جلیله بیننده تعاطی قلموب
اصول محاکمه حقوقیه قانونك التمش دردنجی
ماده‌سی موجبجه معتبر و مقبول اولان مقاوله‌نامه
مندرجانه نظراً اولاباده کی اعتراضاتك غیر وارد
اولدینی بالیان رد اولنه‌رق اعلام مستأنف بهك
تعديل اسباب موجب‌سیله تصدیقه حکمدن
و مستدعی تمیزی خزینة مشارالیه وکیلی رحی
افدینك اشبو حکم علیه‌نده باشلوجه اعتراضی
عندالاستیناف اعلام مستأنف بهك فسخنی موجب
اولق اوزره سرد ایلدیکی ادعا و اعتراضات
حقنده برکونه تدقیقات اجرا قلمقسزین اعلام

حکمتك تعديل اسباب موجب‌سیله تصدیقه قرار
ویرلسی مغایر قانون اولدیفندن بحثله اعلامك
تقاضی و تمیزی علیه عیق افندی حضرتلری وکیلی
عادل افدینك نتیجه جوابی حکم استینافی اسباب
موجبة قانونیه مستند اولوب اعتراضات
واقعه‌نك واهی اولدینی بیانیله ردی و اعلام
مذکورك تصدیق طلبندن و معاون مومی‌الیهك
مطالعه‌سی دخی حکم ابتدائی اسباب موجب‌سی
تعديل ایلدیه‌رك تصدیق قلمش ایسه‌ده موافق
قانون اولیان احکام ابتدائیه‌نك عندالاستیناف
تدقیق حالده اول امرده قانوناً فسخیله اساس
ماده‌نك یکیدن فصل ورؤیتی و تبیین ایده‌جك
حاله کوره حکم اعطاسی لازمه‌دن اولدینی حالده
محکمه استینافیه‌جه اشبو قاعده قانونیه به رعایت
اولماش و خزینة مشارالیه وکیلی طرفندن غبن
فاحشه دائر در میان اولنان اعتراضی ایله مدافعات
سائر تدقیق ایدیلوب مسکوت عنه بر اقلمش
اولدینی بیانندن عبارت بولمشدر .

ایجابی لدی المذاکره تمیزی طلب اولنان
اعلام استینافی مندرجانبندن مستبان اولدیفنه کوره
محکمه استینافیه‌جه سبق ایدن تدقیقات نتیجه‌سنده
درجه اولی محکمه‌سی اعلامك تعديل اسباب
موجب‌سیله تصدیقه قرار ویرلمش ایسه‌ده اعلام

ابتدائی مذکور علیه‌نده خزینة مشارالیه وکیلی
طرفندن استینافاً در میان اولنان اعتراضاتك
برر برر تدقیقه غیر وارد کورلدیکی صورتده
آبرو آبرو اسباب موجبة قانونیه‌نك بیان
و ارائه‌سیله ردی قانوناً مقتضی اولدینی حالده
اعتراضات مباحوث عنهانك بر منوال محرر اسباب
موجب‌سیله تصدیقه قرار ویرلسی قانونه مغایر
و مستدعی تمیزی خزینة مشارالیه وکیلی رحی
افدینك اعتراضیه معاون مومی‌الیهك مطالعه‌سی
دخی بوجهته متدائر اوله‌رق موافق نفس الامر
کورندیکنه بناء اصول محاکمه حقوقیه قانونك
ایکیوز اوتوز ایکنجی ماده‌سی حکمنه توفیقاً اعلام
مذکورك تقضیله قانون مذکورك ایکیوز قرق
دردنجی ماده‌سی موجبجه کیفیتك صور مشروحه
دائرة‌سنده یکیدن بالرؤیه اعلامه ربطی ضممنده
محکمه مذکوریه اعاده‌سنه و زیرده مفرداتی
مرقم اوچیوز الی سکر یحق غروش مصارف
تمیزی به‌نك ایلروده حقسز چیه‌حق طرفه رجوع
ایتمك اوزره اول امرده مستدعی تمیزی خزینة
مشارالیه‌دن اخذ واستیفاسنه ۶ مایس سنه ۳۰۹
تاریخ‌نمده متفقاً قرار ویریه‌رك تفهیم قلندی .

سیواس بدایت محکمه سندن ۲۴ تموز
سنه ۳۰۵ تاریخی و قرق یدی عددی ایل ویریلان
اعلامک تمیزینی دارنده قصبه سی اهایسندن
چرچی علی اغا باعرض حال استدا ابتدکی حالده
یوم معینده دائره کلبوب مدعی علیه قصبه
مذ کوره نک کولبار محله سنده ساکن البستانلی
اوغلی حاجی درویش اغا وکیلی قلاچیجان کر قور
افندی ورود ایتسه مبنی وکیل مومی الیهک ایضاحات
شفاهیه سیله باش مدعی عمومی معاونلرندن سعادتلو
یورغاکی افندی نک مطالعه سی استماع قلندقدنصره
تدقیقات تمیزیه اجرا سنده ابتدار اولندی.

اعلام مذ کورک خلاصه مالی مزبور حاجی
درویش اغا نک برقطعه سندن موجبجه متوفی
اسماعیل اغا ذمتده الاجافی اولان بش بیک
غروشک مع مصارف محاکمه بالغ اولدینی التمش
درت عدد لیرای عثمانی و قرق سکر غروشک
متوفای مرقوم ترک سندن اوله مدینی حالده
کفیل و مخدومی محمد اغا دن تحصیل حکمنی حاوی
دارنده بدایت محکمه سندن استحصالی ایلدیکی
اعلام علیه متوفای مرقوم ورثه سندن مرقوم
علی اغا نک شخص ثالث صفتیله ویرمش اولدینی

اعتراض الغیر عرض حالک ردیله حکم مذ کورک
تأیدینی متضمن صادر اولان اعلام علیه مرقوم
علی اغا جانبندن محکمه مذ کوره به بالمراجعه
استیناف دعواسی اقامه ایدلمش ایسه ده مبلغ
مدعا به بین الورثه تقسیم اولدینی صورتده بشیک
غروشدن دون اوله رق شو حالده دعوانک غیر
قابل استیناف بولندینی بیانیه اصول محاکمه
حقوقیه قانونک یوز طقسان التبعی ماده سی موجبجه
استیناف دعواسنک ردینه قرار ویرلیدکنندن
و مستدعی تمیزک لایحه سنده محرر باشلوجه
اعتراضی مبلغ مدعا به بش بیک غروش اولوب
بدایه ورثه به تقسیم اولنیه رق مجموعنک تحصیلنه
حکم لاحق اولمش اولسته کوره حکم مذ کورک
قابل استیناف بولنش ایکن محکمه جه بوراسنه
ذقت اولنیه رق برمنوال محرر حکم اولنسی مقار
قانون اولدیفندن بخله اعلامک تقضی استدا سندن
ومدعی علیه وکیلک نتیجه جوابی اعتراضات
مذ کوره غیر وارد اولدینی جهته موافق اصول
وقانون اولان اعلامک تصدیق طلبندن و معاون
مومی الیهک مطالعه سی دخی دعوائی مذ کوره
اساساً بش بیک غروش اوزرینه مبتنی اوله رق
اعتراض الغیر دخی مقدار مذ کوری حاوی حکم
علیهنه وقوع بولنش و بش بیک غروش اوزرینه

جریان ایدن دعاوی قابل استیناف بولنش اولسته
مبنی بوجهت حقنده کی اعتراضک موافق قانون
اولدینی بیانندن عبارت بولمشدر.

مابعدی وار

اعلان

در علیه بالقبانی جوارنده محکمه سواقغنده
۷ نومرولی دکانده مقیم روغن تجارتندن مصطفی کمال
افندی نک سیواسده بغدادی میدانده پوخیچه جی
زغفرانبوللی قهوه جی اوغلی حسین اوسته نک
یاننده ایشلمکده بولنان بورکچی عثمان اوسته علیهنه
ایکنجی محکمه تجارتندن استحصالی ایلمش اولدینی
۲۸ کانونائی سنه ۳۰۸ تاریخی و ۷۰۴ نومرولی
و لیرای عثمانی یوز بش غروش اعتباریله بیک
التیوز طقسان یدی غروش اون پاره ایله لیراسی
یوز سکر دن سکر یوزالی غروش گذشته و مصارف

حاکم سیله برابر تحصیل حکمنی حاوی اعلام
غیاپنک صورت مصدقه سی مرقوم عثمان اوسته به
تبلیغ اولنق اوزره برقطعه تحریراته لفا سیواس
بدایت محکمه سنه تسبیح قلنمش ایسه ده ورود ایدن
جوابده مرقومک بولندینی واقامتکاهنک مجهول
بولندینی اشعار قلنمش و صورت مذ کورنک
اعلاناً تبلیغی مدعی مومی الیه طرفندن طلب وفاده
اولنش اولغله اولوجهله صورت مذ کورنک
اصول محاکمه تجارت نظامنامه سنک یکرمنجی
ماده سنک دردنجی فقره سی احکامنه قیاساً تبلیغ
اولنش عد اولنق اوزره دیوانخانه به تعلیق
اولدینی کی اوراق حوادث واسطه سیله دخی
اعلانی لازم کلش اولغله تاریخ اعلاندن اعتباراً
اوتوز برکون ظرفنده مرقوم عثمان اوسته محکمه به
مراجعته اثبات وجود ایتسی لازم کله جکی
و ایتدیکی تقدیرده صوت اعلامک تبلیغ اولنش
عدیله حکمنک اجرا اولنه جنی معلوم اولق اوزره
اعلان کیفیته ابتدار قلندی.

فی ۴ محرم سنه ۳۱۱

وفی ۶ تموز سنه ۳۰۹

طمش قریه سندن ملا اسماعیل اوغلی ابراهیمک
زراعت بانک شعبه سنه دینی بولنان مبالغ معلومه نك
صورت استیفاسی ضمننده طمش قریه سی حدودنده
ترهین ایش اولدینی معلوم الحدود بر قطعه
پلاموطلنی مزایده یه ویرلشیدی ایکوزغر وشد
زراعت بانک شعبه سی اوزرنده اولوب تاریخ
اعلانندن اعتباراً اوتوز برکون ظرفنده یوزده
بشله ضم وقوعنده قبول اولنه جنی اعلان اولنور .

فی ۶ تموز سنه ۳۰۹

عر بلر قریه لی بلوک باشی اوغلی ابراهیمک
زراعت بانک شعبه سنه دینی اولان مبالغ معلومه نك
تأدیه سی صورتی ضمننده عر بلر قریه سی حدودنده
کافرچاقلی التی موقعنده طرفلری کندی بول ودره
ایله محدود بر قطعه زیتون باغچه سی مزایده یه
ویریلرک ایکوزغر وشد زراعت بانک شعبه سی

اوزرنده اولوب تاریخ اعلانندن اعتباراً اوتوز
برکون ظرفنده یوزده بشله طالب ظهورنده قبول
اولنه جنی اعلان اولنور .

فی ۶ تموز سنه ۳۰۹

باشا قریه لی نوری بکک زراعت بانک شعبه سنه
دینی اولان مبالغ معلومه نك صورت تأدیه سی
ضمننده باشا قریه سی حدودنده اوه موقعنده
طرفلری علی ومصطفی و مدینه ایله محدودالتی دونم
برقطعه ترلاسی مزایده یه ویریلوب ایکی یوز
غروشد زراعت بانک شعبه سی اوزرنده تقرر
ایدوب تاریخ اعلانندن اعتباراً اوتوز برکون
ظرفنده یوزده بشله ضم وقوعنده قبول اولنه جنی
اعلان اولنور .

فی ۶ تموز سنه ۳۰۹

ظرفنده یوزده بشله ضم وقوعنده قبول اولنه جنی
اعلان اولنور .

فی ۶ تموز سنه ۳۰۹

طمش قریه لی حاجی محمد افندینک ایواجق
زراعت بانک شعبه سنه دینی اولان مبالغ معلومه نك
صورت استیفاسی ضمننده برغوس قریه سی
حدودنده صاری قیا دیمکله معروف ابراهیم
وخلیل ودره ایله محدود بر یحق دونم زیتونلک
وموقع مذکورده طرفلری بایزید ومصطفی و مرعه
ایله محدود اوچ دونم اوچ اولک زیتونلک مع
طامی تاریخ اعلانندن اعتباراً اون بش کون
صکره مزایده یه ویریله جکی اعلان اولنور .

فی ۶ تموز سنه ۳۰۹

عر بلر قریه لی حاجی امین اغانک ایواجق
زراعت بانک شعبه سنه دینی بولنان مبالغ معلومه نك
صورت تسویه سی ضمننده مزایده یه ویریلان
کولاهلی قریه سنده قوم باغیر موقعنده طرفلری
مصطفی وخلیل و بابالی ایوب ایله محدود برقطعه
ترلاسی ایکوزغر وشد زراعت بانک شعبه سی اوزرنده
اولوب تاریخ اعلانندن اعتباراً اوتوز برکون

بادملی قریه لی محمود اوغلی مصطفانک ایواجق
زراعت بانک شعبه سنه دینی اولان مبالغ معلومه نك
صورت استیفاسی ضمننده بادملی حدودی داخلنده
طرفلری طریق وحسن ومصطفی ایله محدود
برقطعه ترلاسی تاریخندن اعتباراً اون بش کون
صکره بلمزایده فروخت اولنه جنی اعلان
اولنور .

فی ۶ تموز سنه ۳۰۹

ازینه قصبه سنده حطیار محله سنده مقیم پنبه جی
زاده رفعت بکک زوجہ سی فریده خانمہ جهت

قبول اولنه جنی اعلان اولنور .

فی ۶ تموز سنه ۳۰۹

نققه دن بااعلامشرعی محکوم به دینی اولوب صورت
استیفاسی ضمننده مقدا حجز ایدیلان ازینه
قصبه سی حدودنده قره تبه موقعنده طرفلری
حافظ واندریا اولادلری وقره تبه ودره ایله محدود
اللی دونم مقداری ترلاسی تاریخ اعلاندن اعتباراً
اون بش کون صکره بالمزایده صاتیله جنی
اعلان اولنور .

فی ۶ تموز سنه ۳۰۹

علی رضا اقدینک خدیجه خانم ذمتنده
محکوم به مطلوبی بولنان مبالغک تأمین استیفاسی
ضمننده تحت حجزه النان اسکدارده طویفار حزه
محلہ سنک تکه سواقغنده کائن فوقانی اوچ اوطه
و بر صفه و تحتانی ایکی اوطه و بر مطبخ و بر
صهرنج و بر مقدار بقیچه و حولی مشتمل اون
نومرولی برباب خانه عندالمزایده لیرا یوزغروش
حسابیله یدی بیک غروش بدل ایله طالی
عهده سننده تقرر ایدرک تاریخ اعلاندن اعتباراً
بر ماه ختامنده قرار قطعیسی ویریه جکی جهته
یوزده بش ضمیله زیاده یه طالب اولنلرک مدت
مذکوره ظرفنده اسکدار بدایت محکمه سی اجرا
دائرهنه مراجعت ایلملری اعلان اولنور .

فی ۷ تموز سنه ۳۰۹

برغوس قریه سی اهالیسندن حاجی محمد اوغلی
خلیلک زراعت بانک شعبه سنه دینی اولان مبالغ
معلومه نک صورت استیفاسی ضمننده برغوس
قریه سی حدودنده قیران موقعنده طرفلری اسماعیل
اغا و محمد و جای ایله محدود اوچ اولک برقطه
ترلاسی مزایده یه ویریه رک ایکوزغروشده بانک
شعبه سی اوزرنده اولوب تاریخ اعلاندن اعتباراً
اوتوز برکون ظرفنده یوزده بشله ضم وقوعنده

(مطبعه عامره ده طبع اولمشدر)